

昌邑縣志卷之六

知昌邑縣事周來邵浴齋氏輯

人物

天地以正氣持運會人倫以大節維綱常當其志
挾冰霜誠摧金石無貴賤一焉閭巷刺草之夫一
寸孤抱至感潢野之鳥殘茁荒阡之靈草格及人
神矣更有首碎窮城身齒利劍毅節英風于今未
歇而士君子胷次磊落處則克敦文行出則造福
生民亦咸彪炳寰區輝映青史於以經國造邦風
世勵俗豈不休哉

忠烈

明

崇禎十五年壬午十二月初八日 本朝兵萬
餘圍昌邑至十六日辰刻城破縣令李萃秀縣
丞張其仁主簿田文高訓導郭爾郊焦澤久並
及於難先是同城官僚聞遊騎自西來甚急乃
聚邑中文武紳士爲防禦之策躬擐甲胄分守
三門旣而兵勢雲湧環攻數日架木梯入城城

遂陷官紳士子烈烈而死者七十餘人雍正六年爲欽奉 恩詔內事理將城守殉難紳士逐一開報設位入忠義祠春秋致祭勒石祠前

李萃秀邑令東栗人由舉人抵任三月警聞戒嚴決策堅守城幾保全以土人洩機 城遂陷死之

張其仁縣丞曲陽人磊落有氣節嘗曰食祿天家當矢死報國

田文高主簿 人有幹畧與同城官紳協力守

昌邑縣志

卷之六

人物 忠烈

二

禦悉心條畫登陴巡督不避矢石城破死之

郭爾郊訓導福山人才識超絕遇變躬率士子披堅防禦且曰吾官雖卑誓與城共存亡城陷慷慨就死

焦澤久訓導廣平人蒞任僅一月聞警或勸其歸公叱曰身已許國吾將安歸城陷不屈而死

史欽明邑舉人授河南磁州知州調山西代州清廉勤慎致仕鄉居談文課藝名士多出其門壬午遇變城守殉難縣尹耿嘉樂申請入鄉賢祠

李治躬邑舉人任河南確山令土寇大起日夜戰守卒能保濟後家居值壬午之變竭力城守城破死之縣尹耿嘉樂申請入鄉賢祠

孫 錠歲貢江南華亭令致仕年八十四舉鄉飲大賓遇變守北城城陷撞死城頭

趙冲衢歲貢青州教授歸里守東城死

李承詔歲貢樂安教諭歸里守東城死

姜鷹揚歲貢荏平訓導歸里守西城死

孫 鏐光祿署丞歸里守西城死

昌邑縣志

卷之六

人物 忠烈

三

邢侯嗣例貢任河南禹州判官歸里守西城死

高 彪武進士沙溝營守備歸里守西北角死

林國柱武進士陽方口守備歸里守西北角死

李國幹武舉本道中軍歸里守東北角死

姜 演庠生鏗之曾孫守東南角城陷被執

姜惺法庠生鏗之立孫與弟恂法守南城城陷被執死之

姜恂法庠生與兄同守南城城陷死之

陳 鏌庠生白塔社人思孝之子偕弟鈇守城東

門城陷俱被執鎡厲聲曰城已破吾不能偷生也速死爲快復呼弟曰我輩讀書明大義雖守城無功然亦得死所矣

陳 鈐庠生思孝之次子同兄鎡守城東門死

姜 鯉庠生值變與弟茂守南城死于汎地

姜自茂庠生與兄同守南城城陷死之

孫 侗庠生同弟仲休守東城一家二十餘人並死

孫 仲庠生守東城死

昌邑縣志

卷之六

人物 忠烈

四

孫 休庠生守東城死

袁奎東庠生同子來順守北城死

袁來順庠生同父奎東守北城死

黃茂英庠生同子運開守北城死

黃運開庠生同父茂英守北城死

孫繼鑛庠生同弟繼鑲守南城被執

孫繼鑲庠生同兄守南城死

邢月階庠生同弟月陞月廕守西城死

邢月陞庠生守西城死

邢月廕庠生守西城死

史鑑庠生守北城被執不屈死

邢侯庠生守西城死

王慧庠生守西城死

韓繼愈庠生守西城死

孫牲庠生守西城死

孫泌如庠生錠之子守西城死

宋奇士庠生克盡子道父喪奇士年方少廬墓側

三年不歸縣尹旌之壬午兵變同兄奇英殉難

昌邑縣志

卷之六

人物 忠烈

五

城頭

謝表庠生守城南門死

史善志庠生守城南門死

莊新命庠生西隅人值變守城南門死于汎地弟

新運扶櫬歸葬宋莊

黃洪圖庠生守城南門死

王名卿庠生守城南門死

宋元循庠生守北城死

宋元亨庠生守北城死

李承誥監生守西城死

孫德澄監生守西城死

孫如浣監生守西城死

郭永芳監生守西城死

劉陞儒監生東辛郭社人守西城死

邢侯嗣監生守西城死

孫傳監生守東北角死

李國翰武生國幹之兄值變兄弟二人並力守東城城陷死于汎地

昌邑縣志

卷之六

人物 忠烈

六

姜士樛武生守東城死

宋奇英武生奇士之兄值變守東城死

朱國棟武生守東城死

李思孝武生守東城死

孫漳如武生道昭社人狀貌魁梧膂力絕倫壬午

守西城城陷漳如奮不顧身格殺數人後力不

支死于汎地

陳自靖庠生關外入城死難

劉希歐庠生東辛郭社人關外入城死難葬西岩

東坡

孫 依庠生關外入城死難

趙 珍庠生關外入城死難

孫顯宗庠生關外入城死難

梁潤之庠生關外入城死難

孫積慶庠生關外入城死難

潘體坤庠生關外入城死難

遲必揚庠生關外入城死難

于 甯庠生關外入城死難

昌邑縣志

卷之六

人物 忠烈

七

邢侯福庠生關外入城死難

呂鷹揚庠生關外入城死難

以上殉城官五人紳士六十九人

高維岱字魯瞻以貢生授永清縣令甫三月攻陷

永清維岱死之贈河道監察御史督學崑山徐

炯奏入鄉賢祠

王保泰卜莊社人仕爲鴻臚寺序班壬午爲遊騎

所獲曰殺我不懼也因被害

李 熙下灣社人爲邑增廣生壬午爲騎丁獲之

熙坐莊語責以大義騎以刃犯之大罵而死妻黃氏亦大罵不止同及于禍

劉元績邑增廣生壬午城陷被縛至東山績怒目大呼曰我辛郭劉元績也父早見背今與老母幼子相失不知存亡有生還者幸道我死所痛罵而死入忠義祠

郭維城青阜社人寫居新福壬午護守南城城陷死之瘞火神廟下至今尙未歸葬過者咸嘆息焉

莊 許西隅人壬午兵圍城許守東南角樓死之
郝自新北隅人任萊州道旗鼓大廳與劉心一俱負胆勇值壬午強寇王文精等爲亂協力殺賊賊皆破胆奔峽山自新等趕殺不休失足而死署縣事朱逸泓詳請立祠於關帝廟側准其長子璫爲奉祀生

劉心一辛郭社人壬午王文精等作亂心一與郝自新誓同擊賊奮力挺槍率眾勦殺賊敗走奔峽山郝劉二人復登山鏖戰良久因失足爲賊

所殺署縣詳請爲立祠于關帝廟側

孝友

元

王公達性至孝事親盡禮食飲必先嘗父患痺不能起公達泣禱願以身代父疾遂愈鄉人神之事聞旌其門出通志

明

李文秀性孝少隸戎伍家貧親葬淺土深痛之每欲營葬力不能給將鬻妻以從事妻乞而供給

昌邑縣志

卷之六

人物

孝友

九

焉卒如其志洪武二十一年旌之

孫惟中字伯庸爲甯海典史父卒廬於墓側不食酒肉晨起無火掬雪頰面形容槁悴或勸其返哭而不對縣尹戴友諒夜半携二蒼頭出風雪中抵廬惟中聞足音遙問曰暮夜欲何爲尹嘆息而去子尙志爲禮部主事大學士宋濂爲立傳見藝文

任景陽朱陽社人親歿哀毀禮葬結廬墓側運土成邱守道田疇過而異之與縣尹霍恕行題旌

其門

史 卿性忠直幼知孝讓父母及祖母相繼卒既葬號慟不去遂廬墓側三年不返自煮野菜爲食縣尹及紳士每親造其廬給米帛有瑞草生墓後後爲直隸魏縣訓導

李希孔父喪志欲廬墓以養母未果及母歿作室墓側朝夕不離肩土築墳三年如邱縣尹旌之以爲孝行可嘉云

王繼策伍塔社人父早亡及母歿乃廬墓側足迹

昌邑縣志

卷之六

人物

孝友

十

不至其家者三年後祝髮爲僧年八十七歲卒徐旣同東隅人爲邑增廣生事父母及祖父母生歿死盡禮不與諸弟較費諸弟欲析產旣同悉讓其豐者庚戌夏濰水潰決旣同爲水溺忽若有入掖已行二里許置之灘頭遂得不死人以爲孝友之報

史載道號龍盤年十五爲諸生父喪弟載勲甫五歲貧甚值凶年自減食以供母弟後訓弟成名領鄉薦教授生徒不責修艇督學聞之旌其門

及卒謚曰貞白

孟紹孔邑廩生幼失怙奉母甚篤母病侍養不去側常至廢寢撫兄之遺孤如己子兩弟未婚讓產與之不談人閨閣事時推爲巖巖正士

劉遇明邑庠生父早喪事母至孝家貧不妄求減食以奉母遇亂與妻共挽小車載母遁去獲免萊州道聞而旌之

李 鈺道昭社人父患脛病不能起鈺奉養不少懈跣足行禱三冬父病愈縣尹李鳳旌其門

昌邑縣志

卷之六

人物 孝友

十一

宋明佐西隅人登崇禎丙子鄉薦撫繼母弟友愛甚篤教以詩書壬午奉母逃難遇兵母被楚撻明佐乞哀曰吾子女任汝生死幸留吾母兵去母因以存

大清

李承訓金臺社人早失母繼母孫氏生弟承誠甫數日父卒母勵節自守承訓克盡子道會母患臂承訓侍湯藥頃刻不違左右母復患痢甚劇承訓奉侍如前勉弟就學入泮與同爨一絲一

粒不以自私遇兵亂被縛而射之三矢矢俱從脅間過不及身眾異而釋之

劉滌邑增廣生家貧博學善詩辭遇兵亂負祖父木主出避爲騎兵所獲搜其囊更無他物遂出木主擲之地又一騎見之曰孝子也閔而釋之一家並脫于難卒後縣尹王廷賓爲之立石謚文惠

孫

波

二人兄弟也事母至孝母患目喪明兄弟

同跣足行禱彌日夜雖風雪不少懈母目尋愈

昌邑縣志

卷之六

人物 孝友

三

縣尹党丕祿旌其行

劉欲尹邑增廣生性甘淡泊敦行孝弟著聞於世凡五舉德行巡方督學屢表其門

楊昺邑廩生博聞強記磊落遺俗事繼母殫力承志母每語人曰人生難得此子我繼猶然生母當何如耶母歿喪葬盡禮弟昇死壬午之難遺孤三人在襁褓昺撫而訓之並爲諸生縣尹劉士偉以孝友旌其門

張志禧爲諸生時事母以孝聞母病篤禱漢關將

軍廟願以身代時母二便閉已三日矣隨復通
禧嘗其糞味苦私幸有生望也病果愈後三年
乃終壬午之變弟妹被掠丁酉禧登賢書計偕
至都得弟妹所在乃貨數百金贖之後權子母
殆至傾產是年中甲科

劉盾昌辛郭社人增廣生達之子舉人時中之父
也幼喪父值壬午變夜掩父棺扶母入城避難
城陷走至東山下眾兵猝至將手刃其母昌身
護母頭號泣曰甯殺吾勿害吾母兵曰此孝子

昌邑縣志

卷之六

人物 孝友

十三

也不可傷兵去同母回里視父柩無恙昌素好
讀書仰承母志晝夜吟聲不輟母歿後每遇忌
辰輒涕泣以祭卒年五十八里人謚曰文學教
諭連科爲立傳見藝文

孫觀光邑庠生道昭社人壬午同父避流可庄父
爲兵獲將刃之光大呼曰吾父也願殺我以代
兵刃摩光頸光引頸無懼色兵曰爾似秀才模
樣識字否光以手畫地曰秀才只識忠孝二字
兵惻然釋之後父病卒光撫七歲庶弟愛養備

至比成立欲析居所有什物田產悉聽弟自擇
且代辦糧課弟卒遺一子光大慟曰吾弟已矣
侄猶子也吾何忍累此孤兒遂自典地爲置棺
衾鄉里稱其友愛

李烈徐福社人天性純孝年七歲得食物懷以
奉親父母旣歿旦夕泣血廬墓側三年不歸敬
共事兄田產讓其華美者孝友之聲徧閭黨居
民數百家有相爭者得烈至則解縣尹累旌其
門

昌邑縣志

卷之六

人物 孝友

十四

孫九齡郡庠生道昭社人慷慨好施睦族黨勤賙
恤教授生徒先德行而後文藝性至孝幼年失
恃祖母宋氏撫養之後宋氏患大麻瘋家人不
敢近九齡日夜爬搔卒亦無所染善事繼母待
異母弟備極友愛父母欲使之別居九齡不得
已乃於田產毫無所受訓蒙于嫡母舅李漢冲
家歲得錢數貫自紙筆費外悉以奉親父母感
其至性命與諸弟平析產九齡但受薄田三畝
空園一段而已迨後繼母老得下血病牀褥腥

穢九齡奉湯藥躬爲澣濯時值嚴冬夜臥牀下以亂草自覆其足足脛腫裂終亦不倦繼母臨終嘆曰汝非我生不意汝事我若此願爾世世生孝子順孫也母歿後率諸弟事父生養死葬皆盡禮焉

王國棟于莊社人昆弟四人析爨國棟獨與母居母卒合葬父墓負土成墳築室其側旦夕哀慕三年如一日

徐月素道昭社人夢獬之子五十歲喪母欲廬墓

昌邑縣志

卷之六

人物 孝友

五

以有父在未果父多疾月素侍湯藥與父同榻者十五年父卒月素堅意廬墓轉思廬墓近名遂居廟別室每早盥漱畢捧香適墓禮拜哭泣旣乃纍土築墳寒暑不避如是者三年乃受寒濕病鄉里勸歸不許強之乃可又別置小室獨居數載臥病而卒邑令章教諭張皆旌其門

義

明

王士儀邑北地卑下每秋霖水無所洩浸沒田禾

大爲害士儀患之乃捐貲棄地開渠以洩滯流起邑之東北凡十五里北入于海邑人德之稱王老義溝事在洪武十七年

徐 聰富于財成化間歲饑流莩相望聰發粟一千五百石賑之鄰里稱貸者不可勝計及歲稔有來償前貸者聰笑曰事往矣何以償爲悉焚其券一無所受

劉 鵬性好施弘治中犬饑多餓殍鵬捐米數百石煮粥朝夕散之賴以全活者數百人

昌邑縣志

卷之六

人物 義

六

黃 薦家貧業酒酤偶于路得白金三十兩明日一人號哭而至曰吾有所收官銀今失去死無葬地矣薦延入室慰之叩其數符遂還之其人感泣欲留半薦力却之後孫運啟登進士第人謂還金之報

宋 沂西隅人晨起貿易城隅獲橐物發之則銀百兩及批文在焉覆之釜下及暮一人號泣將入門沂問之不惶應惟曰失銀與批將赴官死沂挽回啟釜還之泣拜而去孫明佐應丙子鄉薦

宋子質登萬曆乙酉鄉薦仕至定州知州值昌大饑捐俸濟族黨及親故仍以百金濟闔庠貧士又設粥廠其東西奔走就食者躬親慰勞全活千餘人御史過廷訓以狀聞奉旨表其行里人感而勒石太僕少卿錢桓爲之記

李存住貧家兒也早失怙佐母賣酒漿年十五狀魁梧東牟富翁過青石山見而奇之結爲義兒攜至家撫若毛裏存住欲歸養母翁厚遺之及母歿復往省翁遇巨盜數十劫存住欲賺翁財存住給曰若且後我其呼之遂唱聲曰我昌之存住也翁將啟戶則又唱聲曰勿開有盜欲劫翁翁遂避盜怒遽加以刃存住仰天曰是我死之日也竟被支解

大清

宮延慶郡貢生愷悌慈祥隨分濟物甲申大饑疫盡出所蓄濟戚黨施藥救療病者胞叔貧而無嗣量出已產爲立後置義田以贍族人

郭燮陽監生禮義社人性好義偶得遺金三十兩

乃納逋者所輸正供也無何其人倉皇至燹陽
察其誠而還之歲大饑族人思散走他方燹陽
出資儲給之且勸族之豐縟者咸出粟鄉人服
其義

于重富辛高社人甲申歲大饑出粟賙餓者遂致
困乏鬻產乃濟己亥又饑賙之如前有流民鬻
女者重富悲其分背賣田贖之給資斧令歸事
父及祖父母克盡孝道鄉人稱焉

孫丕振庠生道昭社人器宇宏深於人無所忤尤

廉于財甲午幫賊寇城有族宦來自城中倉皇
投宿振家潛埋赤金十餘斤銀十餘錠于屋隅
比旦辭去振往屋隅見有新迹旁有遺金一餅
蓋宦于夜間倉猝埋金遺一餅而不知也振按
迹察其處必更有埋金乃並其一餅埋于原處
且時爲守護及賊平宦復來宿夜間欲發所藏
而爬土僅得一金呼號扣振門跪請曰吾宦囊
止此幸憐我賜一半振慰之曰勿亟予豈攘金
者哉當仍求之原處宦疑爲詐時振子觀光在

側宦遽曰或若攫去亦未可知振曰吾子亦非
攘金者命持火掘之果得原數蓋宦所埋者深
振之代理者淺宦取金時啟淺土止得一金未
暇深搜而遂謂已無也振因言代理狀以釋其
疑宦且喜且愧分一半爲謝振力却之一無所
受同學諸友人爲作帳詞曰唾面自乾婁師德
之雅量鋤園弗顧管幼安之清風人以爲得其
實云

李 礎金臺社人素重義讓李族凡九派八支有
李學淵者貧不能娶礎出己貲俾成婚又助之
田以贍其生六支惟李存良一丁亦鰥居礎曰
一人而係一支之絕續可使六祖無後乎贍之
亦如學淵鄉族無不稱其德

姜 煌字旭陸官刑部郎中倜儻好義濰水過縣
東勢愈雄夏秋漲溢湮沒田禾撫甯等數十村
受害最酷舊有古隄康熙五十年坍塌殆盡煌
慨然出貲於次年春獨修六十步身親督工興
築完固又倡東鄉十餘社及時修築鼓舞犒獎

其堤長七里下闊十七步上闊三步二尺高三步三尺濰東水患以除鄉人德之

魏文江太甯社人庠生宏忠之子也慈良仁愛性喜施予康熙甲申大饑有李氏者鬻女于文江已立券文江察氏止一女惻然曰爲此數貫錢致爾母子分離吾不忍也于是毀券出粟數斗予之且慰之曰汝得此可活矣李氏感泣而去又出粟百餘石分給里黨概不索值後年豐有報償者却不受鄉人推戴之卒年六十有九歲

董 榕邑庠生眾義社人性端方尙義好施馬疇寨里二渡口乏舟梁行人苦之榕慨然捐貲夏修船筏冬治橋梁免蹇裳患做則改爲己經三造往來者咸頌其德鄉中凡死喪不能具斂者榕輒給以棺木後或挾貲來償榕却之曰吾苟受若償卽不予若棺矣復施地四畝作義塚坵墳纍纍永無暴露咸榕賜也親睦族姓慷爽不恡事所宜舉咸以身任縣丞高匾其門曰仁厚可風訓導岳匾其門曰遠紹正誼

董子信監生眾義社人年五十無子同里有賈於他方者倩置一妾詢之則有夫家之女也信瞿然曰吾爲後嗣計而乃奪人之配乎立命送歸又有貸銀者貧不能償願以女作婢信焚券弗受復厚給之晚得二子皆成立人以爲善行之報云

趙璧庠生永盈社人舉止端方訓課嚴靜性好施遇有貧喪不能具斂者璧予以棺且卹其家受恩者眾群謝曰我等何以爲報璧笑應曰吾爲此豈望報耶每歲冬製買粗衣遇缺衣者卽衣之日爲米粥一鍋以供枵腹者行之二十餘年率以爲常卒後方止里黨咸稱頌之

善行

大清

劉元標辛郭社人生平好善至老彌篤每逢盛暑肩挑茶水于集場通衢濟人煩渴康熙甲申大饑路死者無算元標掘大窖將男女屍骸分窖掩瘞免其暴露饑民高壘將鬻妻妻慟哭不已

昌邑縣志

卷之六

人物 義

三

元標出粟賑之遂免離散屢修葺 文廟並凡
在祀典祠宇無不殫力募修

邵美恒貢生辛阡社宗富次子也幼失怙事母至
孝色養定省人無間言母歿三年不處內室不
食酒肉營葬祭奠皆如禮尤好義行於財無所
吝捐上地二畝作義冢雍正八年河水泛漲滄
沒田禾米價騰貴美恒出粟數十石賙濟里黨
冬施棉衣煮米粥卹寒賑饑如是者三載凡鄉
鄰有爭訟者輒爲排解人咸推服邑侯周詳請

昌邑縣志

卷之六

人物 善行

三

建旌善坊以美之

邵發振于莊社人好善行樂周恤康熙四十三年
大饑發振煮粥出粟賑救貧困其妻李氏亦歡
欣樂從又于莊渡口倡修大橋造善船人不病
涉每夏施茶于通衢冬則易以薑湯凡義塚有
平塌者靡不修補邑令旌之

張玉振立本社人尙義氣喜施與厚宗族近房張
苓等數家貧不舉火玉振賑卹之各予田地二
三畝不等宗黨有讀書無力延師者悉爲出貲

供給每遇歲饑不索債負典券借券一概焚燬
雍正庚戌年施飯放糧不訾鄉譽籍籍共相推
戴

政績

宋

辛次膺字起季登政和二年進士第爲單父丞山
東亂舉室南渡屬閩寇爲亂宰相以次膺宰蒲
城比至寇黨已焚其邑於是披荆棘坐瓦礫中
安輯吏民料丁壯治器械扼險阻號令不煩邑

昌邑縣志

卷之六

人物 政績

三

民便之遷吏部郎首言救世之弊上稱善敕以
所奏榜朝堂擢右正言力諫和議爲秦檜所惡
孝宗卽位召除御史中丞每章疏一出天下矚
之上方厲精政事次膺每以名實爲言多所裨
益上呼其官不名尋同知樞密院事拜叅知政
事次膺孝友清介立朝謇諤仕宦五十年無絲
毫□吏議爲政貴清靜先德化善屬文尤工於

詩

明

王 璉字器之武洪中以儒士舉邑學訓導歷陞甯波府知府杜私謁清吏弊尤以造就人才爲急或夜分至學察諸生勤惰毀淫祠崇正道性廉介儉約厨無甘餽餽同一日饌設魚肉怒謂家人曰汝不憶食草根時耶命瘞之時號埋羹太守去之日行李蕭然

黃 福字汝錫登洪武甲子鄉薦入太學初授項城簿改清源縣除龍江左衛經歷上書論國大計太祖奇之擢工部右侍郎永樂初晉尙書交

昌邑縣志

卷之六

人物

政績

十四

趾叛遣大將進討福先詣兩廣治軍實調度有方交趾平命福往鎮福以其民新附盡心條畫交人戴之若父母仁宗卽位召還宣宗朝中官馬騏激變交趾命福佐師征之失利交人獲福拜且泣福諭以順逆寇護送出境改南京戶部尙書進位少保屢上疏論事多見施行正德五年薨福器重才敏周練世務憂國忘家老而彌篤卒之日家無百緡

譚 溥字澤民宣德壬子鄉薦明年成進士授

部主事遷苑馬寺少卿剷除馬政之弊累官陝西左布政使廉介自飭不少阿附天順間朝廷念其清直徵爲南京戶部侍郎未逾年卒櫬回行李單篋一無贏儲

孫 洪正統丁卯鄉薦登景泰甲戌進士第初授兵部主事兩廣叛奉敕征勦晉本部郎中尋改禮部會慈懿皇后崩葬禮悉從其議遷山西右叅政以南陽流逋敕改河南賑撫流民處置有方授河南布政使疏汴河未幾巡撫大同累立

昌邑縣志

卷之六

人物 政績

三

邊功食二品俸

馮 續字承宗天順甲申進士授兵部主事劾山海關巡撫不職奪其官改戶部監通徐二州稅總管薊東邊儲以廉能稱自總戎而下薦章數上會內艱歸旣免喪出賑陝右饑民全活甚衆擢山西右叅政累官甘肅巡撫籌畫邊務恩威並行軍民咸仰戴焉

邢 瓘成化癸卯鄉薦任鞏昌推官性廉介門無私謁猾吏任廷佐盜金曖昧瓘一詢得之民王

威等疑獄累年不決權讞鞫如神考績抵京劉瑾索賂權拒之棄官歸陝西御史甄奏入鞏昌名宦

李鳳資奇敏弱冠作悲秋賦登正德辛未進士第初宰溫嵩多惠政有瑞麥白兔之祥擢工部主事以直道出判常州尋守壽州中都宦者恣虐鳳劾之遂罷鎮擢戶部員外郎及歸題署樓云心留白日青天在手拂光風霽月歸再遷工部郎中陞陝西提學副使

昌邑縣志

卷之六

人物 政績

三

翟瓚正德癸酉鄉薦甲戌登進士第初授工科給事言事不懼武宗好遊畋瓚上疏極諫出爲河南僉事青羊寇反瓚首破賊巢兩省獲安歷陞湖廣巡撫會甯鄉渠寇爲亂瓚授計平之上嘉其績予級賞以憂歸屢薦不起瓚慷慨有大節在諫垣伉直敢言武宗有長秀才翟瓚之問旣歸田里日置酒召故舊爲樂所著有蟲吟草臨卒諸所置產多召其主還之

邢尙簡嘉靖庚子鄉薦辛丑成進士初授新安令

改真定擢御史值北邊有警遵化等三邑民惶
遽南走號泣城下尙簡時巡北城開門納之活
數萬人巡按甘肅遇歲饑列狀上聞民獲賑卹
籌邊政屢有奇效再巡保定掌京道每章奏忤
旨卒見原陞大理丞轉右僉都御史晉大理卿
以憂去家居累薦不起

孫夢豸嘉靖乙卯鄉薦丙辰登進士第宰靈寶爲
循良冠擢河南道監察御史言事不諱疏諫莊
廟郊祭乘馬佩劍行部辦鰲山燈料侃侃有風
裁出守岳州以疾乞歸夢豸幼英敏克敦孝讓
旣移疾慕林泉之適憩西岩兩臺屢薦不起

大清

李士楨字毅可本姜姓從 龍遼左寄旗籍以李
爲姓順治間由運判厯官安慶知府大有政聲
改延安陞潮州嶺東道改山西陽和道冀甯叅
政陞河南按察使前使逮治左道株連無辜士
楨平反全活數千人康熙十二年遷閩藩值耿
逆題留贄浙軍務補浙布政使詳免逋賦以紓

昌邑縣志

卷之六

人物

政績

三

民晉江西巡撫定兵亂翦其渠魁尋調撫廣東時籍沒尙沈二逆產牽引者眾士楨精核審察奏免無辜者三十餘萬光州花山多積寇勦撫之寇悉降服奏設花縣置文武官鎮之其他善政稱是士楨廉介奉公寬仁馭下旣久任精詳時事聲望甚隆致仕歸卒年七十有七

張志棟字敬修別字青樵生而豪岸倜儻不羈登壬子鄉薦癸丑成進士擢庶常除監察御史累疏言事皆剴切被命視鹺兩淮釐剔鹽弊轉

昌邑縣志

卷之六

人物

政績

三

冀甯副使觀察福建尋陞江蘇布政使革耗羨息刁訟詳豁版荒數百頃南徐曲阿歲挑淺民苦奔命志棟知漕艘無滯絕其紛擾大水被維揚等三郡憂勤蠲救全活無算陞副都御史撫八閩先是水師戰艦歲修責里社志棟以鹽運解餘萬兩抵其費移撫浙江奏免茶煙兩稅浙多土豪武斷捕置獄斃之一境股慄移撫江右入境劾布政使貪婪不法罷其官會與督忤奪職無何召爲大理卿晉刑部右侍郎志棟性伉

直事有不可輒與尙書爭持不少讓適有所保
薦因被 詔責遂褫職罰修通永河督視勤瘁
卒於河西務年六十有六

黃德巽字修九官蘄水令以廉辦稱尋遷羅平牧
羅俗近苗不曉禮法亦不以農桑爲事異於東
作時具壺殮厯郊原聚父老勸諭之由是穡事
大興復崇獎孝義以爲風勵民俗丕變後告病
歸卒

文學

昌邑縣志

卷之六

人物 政績

三九

明

史載勲字龍椒萬厯辛卯鄉薦隱居不仕事父母
盡菽水歡淹貫今古輯二十一史紀畧昌邑綱
紀志海運議訓兒經諸書值秋水泛溢躬禱祈
水患以弭條策荒政皆可施行旣卒縣尹周學
閔謚曰文貞崇祀鄉賢

大清

韓名漢字素翁生而穎悟書再過不忘旣長博極
群書工草隸善詩畫以恩貢授廣東陵水令時

海南初定鳩集懷來安黎峒弭海寇境內大治
夜戶不扃名漢性質直不欺暗室贍親恤孤人
盜其樹不校尤工象緯占驗之學順治十七年
熒惑久在昴畢間進退鈎棘名漢以爲山西北
直當有兵喪旱火之災申報言狀後果驗康熙
七年六月預戒家人庇草宇中已而地震著河
洛淵源陰符經解詩有南中京邸故園歸來等
集卒年九十縣尹章紱謚曰靖獻

張勿遷字靜思沉毅寡言於學無所不窺雖處豐

昌邑縣志

卷之六

人物 文學

三

縛下帷攻苦至夜分不休以爲常戊子獲雋登
辛丑進士第授內庭教習晚節益該博手不輟
卷爲文洗滌恣肆頃刻數千言後以帑負父喪
未舉五年中雖逆旅必苦寢地上竟困追逋憂
悴結轡而終

黃德夔字敘九少敏悟八歲能屬文作修竹賦以
見志會歲暮同輩皆休獨發溫公通鑑讀再周
時年十二及長博窺經籍暑夕坐中庭以版障
燈披吟徹曉不倦從師卽墨勞山下及歸文益

藻贍踔厲沉雄推排一世甲午登賢書三試禮
闈皆首薦不遇尤工詩不自收拾每一篇成輒
爲人掇去旣卒發故篋十失其八

潛德

明

孫 罇道昭社人萬厯四十三年大疫死亡相繼
罇購奇方鬻產施藥全活無算後雖貧窘淡如
也別駕朱嘉其行詣閩賜杖帛舉鄉飲耆賓

大清

昌邑縣志

卷之六

人物 潛德

三

史褒明字岱雲載勲長子爲邑增廣生天性孝友
聚徒講藝名士出其門者甚眾著有養蒙集史
氏雜傳五陵源記諸書明季大亂逃名隱東海
督學使吳臣輔以至行可風表其門卒謚孝貞
于 英字禁頗少孤苦爲邑諸生家貧力學大亂
後刈萊灌畦薪汲自苦閒則取殘編課子雖半
菽不給泊如也未幾子沛霖作霖同登鄉薦乃
憩西坡陶然自樂英天性仁厚事繼母如所生
語呐呐不出口平昔交遊後富貴未嘗一往干

之卒謚文質

史盡善東隅人孝友聞于鄉黨寡言慎交喜道人善頤養天和壽百齡尙健五舉鄉飲耆賓縣尹相繼高其德壽被恩詔受粟帛酒果累膺寵籍李治心邑增廣生家貧苦志教授生徒以孝友相期待居恒禮法自檢不干預官事累困鎖院士林惜之晚節詩酒自娛里人重其恬漠

焦其仁字治菴爲邑諸生敦尙實行輔翼道學潛心濂洛關閩之旨不應科舉孝親睦族葬喪不

昌邑縣志

卷之六

人物

潛德

三

作浮屠課子以明理修行爲務不令習舉子業集朱子語分帙別類日夜以浸灌醞釀之常曰學非聖賢而妄意功名皆自暴自棄者也卒後私謚文定

逢 琳庠生道昭社人逢萌後裔七歲喪母十二歲喪父事繼母四十餘年以孝聞琳矜惜名節足不履城市勤誦讀精帖括教授生徒成名者數十人邑侯孟寅生匾其門曰文範齊徽壽八十七而終門人私謚曰文思

僑寓

夜光不必埋藍田乘黃不必老冀北或寄託爲安
或擇地而蹈天地皆吾逆旅矣故王粲登荊州之
樓幼安汎遼東之海地以人傳百世猶欣慕焉豈
非在德不在土乎視彼稿項蓬廬而無聞者其爲
賢不肖何如也

漢

太史慈字子義東萊黃人也少好學任郡奏曹史
避吏家都昌之鄉身之遼東北海相孔融奇之

昌邑縣志

卷之六

僑寓

三

數饋問其母時融以黃巾寇暴出屯都昌爲賊
管亥所圍慈從遼東還母謂曰汝與孔北海未
嘗相見至汝行後贍恤殷勤過於故舊今爲賊
所圍汝宜赴之慈單騎徑至都昌夜伺間得入
見融融欲告急平原相劉備城中人無由得出
慈請行融曰今賊圍甚密眾人皆言不可卿意
雖壯無乃實難乎慈曰昔府君傾意於老母老
母感遇遣慈赴君之急今眾人言不可慈亦言
不可豈府君愛顧之義老母遣慈之意耶事已

急矣願府君勿疑融乃然之於是嚴行蓐食須明便帶韉攝弓上馬將兩騎自隨各作一的持之開門直出外圍下左右人並驚駭兵馬互出慈引馬至城下塹內植所持的射之畢徑入門明晨復如此圍下人或起或臥慈復植的射之畢復入門明晨復如此無復起者於是鞭馬突圍馳去比賊覺之慈已過又射殺數人皆應弦而倒無敢追者遂到平原說備備卽遣精兵三千人隨慈賊聞兵至解圍去事畢還啟其母母

昌邑縣志

卷之六

僑寓

三

曰喜汝有以報孔北海也後歸孫策策以爲建昌都尉慈長七尺七寸美鬚髯猿臂善射弦不虚發

北魏

劉休賓字處幹平原人祖昶從慕容德渡河家於北海之都昌縣父奉伯劉裕時爲北海太守休賓少好學有文才仕宋爲兗州刺史休賓妻崔邪利女也生子文暉崔氏先歸甯在魯郡邪利之降也文暉母子俱入魏慕容白曜報休賓令

降休賓密遣尹文達觀魏軍形勢文達至升城見休賓妻子文畢泣以爪髮爲信還白休賓出其妻兒爪髮休賓泣曰妻子幽隔誰不愍乎吾荷南朝厚恩受寄邊任今顧妻子而降於臣節足乎然陰爲降計及文畢至城下休賓乃出請命魏以爲懷甯令卒文畢有志尙綜覽群書高祖幸方山文畢求見申父功賜文畢爵都昌

宋

黃恩甫泗州人元祐間徙昌邑六世孫福爲勲業

昌邑縣志

卷之六

僑寓

三五

名臣

大清

張應徵雲南烏沙衛人徙居濰明末避兵昌邑遂家焉少失恃繼母弟應祥遷於濟會有事東萊病卒應徵鬻產歸葬不憚千里迎其妻子撫育備至鄉人美之子志禧志棟先後中甲科志禧官吏部郎中志棟由庶常官至刑部右侍郎

隱逸

身不以退而安德不以藏而晦者尙矣志高行峭

之子憤汙疾濁遂甘鴻冥而不返卽行類硜硜而
抗足黽黽之徑託蹤蟬蛻之場棲穴巢林跨騰霄
壑固非且孳所得頓矣聖主企其風流不愛軒冕
而致之然枯槁陸沉終焉絕跡蓋亦性命所至焉
豈徒樂江湖愛魚鳥哉緬懷前詰指不幾屈三代
而下邑之卓卓者逢公一人耳可多得哉可多得
哉

漢

逢 萌字子慶家貧給事縣爲亭長尉行過亭萌

昌邑縣志

卷之六

隱逸

三

候迎拜謁旣而擲楯嘆曰大丈夫焉能爲人役
哉遂去之長安學通春秋時王莽殺其子宇萌
謂友人曰三綱絕矣不去禍將及人卽解冠挂
東都城門歸將家屬浮海客於遼東萌素明陰
陽知莽將敗乃首戴瓦盆哭於市曰新乎新乎
因遂潛藏及光武卽位乃之琅邪勞山養修道
人皆化其德北海太守素聞其高遣吏奉謁致
禮萌不荅後詔書徵萌托以老耄不起以壽終

列女

詩首關雎而女子從化及彤史風微姆訓婦則不
逮里閭而正氣所結無荆布之可移非陶薰而自
立故孝比盧婦節同令女天地爲之變色矣乃若
臨大難蹈湯火志在所天義甘白刃又何其凜凜
冰霜耶雖烈丈夫奚愧哉

孝

大清

李氏儒童王鉉妻也值壬午翁與夫俱被殺李
時年二十遺孤甫一歲矢志奉姑不少懈姑感

昌邑縣志

卷之六

列女 孝

三

異疾便遺無度李手爲驅除無所嫌姑欲有所
往不能步每身負以行如是者四載姑歿哀泣
盡禮撫幼弟弱子皆至有成縣尹党丕祿以爲
節孝可風云

劉氏生員郝士元妻也壬午亂兵執其姑將加
捶時劉已匿草間聞姑受痛遽出傾身覆姑兵
以刃背捶之不起乃刃斷其腕李仍以血腕遮
護如初□姑賴以全

貞節

元

岳 氏呂義妻也義早卒岳年十八自誓守節撫孤克成至元四年旌表

明

黃 氏少保福之次女贅金陵人葉清公鎮交趾清往省卒于交黃時年十七聞訃水漿不入口者數日衣素戒葷誦列女傳貞守終身

馬 氏宋錫妻也錫卒馬年二十有子女各一姑憂之馬嘆曰生而親心有疑何以生爲遂自縊

昌邑縣志

卷之六

列女 貞節

三

其妹驚救得生遂毀粧奩不復薰飾值歲凶貧甚志愈勵姑賴以終養子女成立鄉人稱之

齊 氏生員張隆妻也生一子隆卒齊尙少以節自誓及子亡一無依倚貧窘甚所守益堅每拾薪掇蔬以自給終身不易邑人苦其節

韓 氏王世臣妻也世臣以進士官如臬僅三載病卒韓悲慟幾絕子策甫一歲韓撫之成立策方少時有還金事年二十又卒韓遂孤苦終身都院聞之旌其門

李 氏生員董朝信妻也年十九適朝信克修婦道越三歲而朝信以疾卒子三遷甫兩月李號泣絕食飲者三日或以翁姑遺嬰無託勸之始勉飲水漿屏絕妝澤惟一意孝親撫孤是念三遷登進士第李以壽終

姜 氏生員黃卷妻也生子五月卷卒姜時年二十哀慟不食欲以身殉既而知死之無益不如養翁姑撫孤子以成夫志遂以守志名其子執遺經以教之伶仃孤苦三十年而卒守志爲邑

昌邑縣志

卷之六

列女 貞節

三

廩生

宋 氏宋希魯女也適御史孫夢身之子評評早世宋時年二十二無出苦心矢節六十餘年奉旨建坊旌其行

李 氏貢生李克魯女孫評弟諤妻也年十五歸諤時諤病劇未與面次日卽卒李守節至四十年而終奉旨旌其門

大清

黃 氏生員黃轉乾女也年十六適廩生孫泌如

爲繼室未逾年值壬午兵變泌如守西城城陷
死之前妻宋氏遺子琮甫三歲黃痛夫之死也
欲相從地下家人防之嚴旣而知死不如守節
以撫孤兒之爲愈也遂自矢靡他艱辛萬狀撫
子成立縣尹沈嗣昌旌其門

孫 氏生員田祐之妾也嫡性妒孫備受艱楚值
大變夫與嫡俱爲亂兵所殺遺嫡子生蘭甫三
歲孫有子一歲度不能兩全遂棄己子抱嫡子
逃難同被虜孫冒鋒鏑祈哀得釋苦心撫養以
至成立

昌邑縣志

卷之六

列女 貞節

罕

史 氏代州知州史欽明女也適平度州進士何
復李自成之亂復殉難死史年二十四鞠庶出
孤兒以節自誓痛姊子孫士懋之父母俱死于
兵也憐而撫之多方訓誨熒熒孤苦以至成器
邑人推重焉

褚 氏西隅莊許妻也壬午兵圍城許守東南角
樓死之褚年二十八有四歲子珠次子勉生甫
九日家奇貧苦節自守奉姑盡禮凡五十年雖

困窘卒不移志

呂氏辛郭劉啟昌妻也壬午之變啟昌遇害東山下呂時年二十四子光龍甫六月無翁姑可依單窶一身撫孤矢節以紡績資兒課業熒獨瘁辛底于成立爲邑諸生呂年六十七卒督學唐表其行曰貞慈

劉氏孟任社于聞詩妻也壬午之變聞詩被擄中途遇害劉時年二十二生子必騰甫逾月夫族欲奪其產逼令改適劉泣曰夫天也可背乎

昌邑縣志

卷之六

列女 貞節

聖

迫之愈急劉抱孤兒歸母家避之旣而念翁老無依遂返夫家躬親奉侍及翁歿母子伶仃孤苦相依爲命遂得成立卒年七十有八歲

王氏辛郭劉元士妻也年十九夫殉壬午之難王苦節自守不出閫闕者四十年雖比鄰戚舊絕迹焉年六十餘而卒縣尹馬中驕聞而旌之

王氏西隅吳邦孝妻也邦孝病卒壬年甫二十撫幼子志矢冰霜杜門不出勤苦奉公姑得其歡心撫孤有成戚里重之卒年九十一

李氏禮義社姜膺陽妻也膺陽病卒子文燠未周歲李時年十九慟不欲生姑徐方病痺泣曰婦今從亡兒地下將病嫗孤嬰置度外耶養母撫孤與殉夫節孰大李乃不死單子伶仃曲盡婦道事徐終年子得成立苦志凡四十五年縣尹張稱其矢節完貞云

陸氏密城社王之彥妻也年二十一夫歿遺孤鼎元陸以節自誓貧窶供親備嘗艱困鼎元後爲諸生陸八十九歲卒

昌邑縣志

卷之六

列女 貞節

三

徐氏南隅黃運盛妻也年二十四夫病卒有子岳生徐矢志撫孤至八十八歲而終

徐氏陶埠社徐銘女金臺李瑒妻年二十三夫歿有翁姑及二歲孤兒徐矢節不移孝親鞠子無少間順治十四年廣文陳徽□以節孝媲美旌其行

魏氏辛郭劉承慶妻也年十六適劉歲餘夫歿有兩月孤兒魏上無翁姑哺養弱息躬紡績自活聞者悲嘆而魏意象冥然卒年五十有七

李氏白塔温丕儒妻李交之女也年十六歸温
歷三載丕儒以病卒遺一子李撫孤勵節緝績
以課子義方之訓不減嚴父卒年八十二縣尹
張謂其節可勵俗云

董氏眾義社貢生董光表女車道生員張洪子
彭年妻也彭年卒一子方在襁時董年二十六
將以身殉舅哭且勸曰有孤孫在無爲俱死也
董聽命散筭飾終身不御孝養舅姑病禱喪葬
咸以禮訓子秉義貧不廢業遂爲諸生董年八
十歲卒

昌邑縣志

卷之六

列女 貞節

聖

史尹

氏北隅郝璇妻也璇病卒史年二十八鞠三
歲子爲方以守妾尹氏年十九史謂曰吾義重
結髮守固宜子婢妾年少無出無爲累汝也尹
堅拒之與史同撫孤兒終身無間言爲方有七
丈夫子人以爲雙節之報

孫氏辛于社邵廷弼妻也年十七適廷弼閱二
載夫歿孫撫孤嬰以矢柏舟之節事公姑克盡
婦道壽八十二歲而終縣尹屠用中聞之旌其

閭

傅 氏辛郭生員劉日宣妻也日宣卒傅年二十
二無子志在所天以節自誓事翁姑更謹宣弟
忠以子繼其嗣既析產遇凶饑饑乏傳出所蓄
濟忠不少吝教子嚴肅有法縣尹張聞之旌其
門

張 氏新邵社姚科妻也年二十七夫病卒遺子
六歲孀姑弱息孤苦零丁張之死靡他奉育兼
至命其子曰祭先年六十二歲而終

昌邑縣志

卷之六

列女 貞節

四

劉 氏西隅李宗彥妻也年二十九夫歿矢志不
移與孤子梅相倚爲命縣尹蔡侯標聞而旌之
劉年八旬餘而終

孫 氏金臺李長性子咸熙妻也生子四歲夫歿
翁姑耄年無依孫時年二十母徐氏欲令改適
孫泣曰親老子稚忍飾妝澤祭他胙乎徐迫之
乃截髮自誓零丁孤窶拾墜樵以資養教子展
勲嚴而有法卒年七十八

張 氏陶埠社姜國禎妻也年二十八國禎病歿

子持已甫七歲張撫孤自守爲持已娶張氏生二子曰光先曰顯宗持已又病歿張年二十三矢節一同于姑事姑益謹姑年七十卒張課子耕讀顯宗爲諸生旣乃謂二子曰吾三十六年苦辛徒爲孀母孤兒今兩全無憾吾其從爾先人地下乎二子哭勸終不食而死縣尹袁靈以二世節孝旌其門

王 氏禮義社儒童傅依仁妻也依仁卒於外王年二十四無子以有舅姑在矢志貞孝六十年

昌邑縣志

卷之六

列女 貞節

畧

中如一日鄉人無不苦其節

姜 氏巡撫 賜姓李名士楨女金臺生員李錦

章子枝仙妻也枝仙病卒遺子沛仁甫二歲姜時年二十食飲不入口者四日翁姑大慟曰汝死老幼將誰依姜乃勉進勺水以節自矢姑常思兒涕泣姜反制淚勸之事親終年課子書每加笞撻不以勞獨姑息也卒年八十二

徐 氏辛郭劉心忠妻也生二子夫歿時徐年二十旁無依倚矢志靡他上奉翁姑下撫嬰弱鍼

續晝夜不休四十五年如一日二子並克成立
李氏古城社生員張廸妻也年十七嬪于張粗
涉書史嫺婦德有女宗之目廸病卒無子李年
二十七不食者五日姑察其有死志泣曰婦繼
兒去我何歸李遂矢節養母繼子承夫祧常手
灌庭松以當柏舟之誓將就木指松戒其子曰
吾三十四年借此自警幸無損縣尹蔡侯標旌
其門曰節茂松筠

傅氏瓦城社趙應生妻也應生病卒子月爽生
甫浹辰傅年二十有八奉姑終年守孤兒俾克
成立縣丞高騰嘉其行而旌之

馮氏新邵社生員姚錦珮妻也年二十三夫歿
有五歲孤馮慟不欲生旣而撫孤矢節足不履
闕外者常數月或加以橫逆馮泣曰寡婦門冰
霜固多何足恨得兒成立以麥飯灑先人墓足
矣苦志五十三年病革以捐義塚囑其子尋卒
邢氏于莊社生員于鑣妻也年二十八夫歿無
子慟不欲生比夜自經夫側救之而蘇翁姑泣

曰婦果從兒死我二人復誰依耶邢乃勵志苦
守事翁姑謹甚繼子有溪續夫後撫之如所生
卒年六十七

于 氏于莊社王霖妻也霖病卒于年二十四志
在所天苦節自守卒年六十歲

陳 氏李伍社高文武妻也年二十三夫歿有二
孤兒家困窶甚陳以節自勵事翁姑三十年生
養死葬一取辦紡績事無何次子顯基及婦趙
氏相繼而逝長子丕基又歿各遺孤孫陳率家

昌邑縣志

卷之六

列女 貞節

聖

婦溫氏再世孤孀相倚爲命備歷艱辛又三十
餘年至年九十二累邀 恩賜焉

李 氏廩生李漢女也適久豐社曹三洪三洪病
卒無子李年十九繼子植以纘夫祧苦節自矢
凡七十年鄉人美之

劉 氏久豐社李發賢妻也年十九生子甫三月
發賢病卒上有老親劉焚嫁時衣取簪珥寘棺
中號慟呼夫曰汝第瞑目無憂父母孤兒之無
託也遂奉翁姑終年子得成立自謂無忝欲從

夫九原子孫哭勸乃聽矢節六十餘年克完所志

劉氏濱海謝啟貞妻也年十六歸謝夫夙嬰痺疾未三年病卒劉乞嗣于兄姒坦然自守孝事翁姑矢志凡五十餘年子汝松及孫並爲諸生馮氏李伍社高可伸妻也年二十一夫歿無子姑撫之大慟曰兒不幸早世又無遺息婦方少艾何忍誤汝年耶馮輟泣對曰不踐二庭婦人之道今忝居家婦幼弟在襍忍棄舅姑而有變

昌邑縣志

卷之六

列女 貞節

哭

志遂斷髮自誓奉舅姑無少怠及弟有子乃立姪爲嗣五十年間人稱節孝兩完云

黃氏密城社增廣生王士燧妻也年二十夫歿無子家奇貧黃躬緝績以奉翁姑繼旁支承夫嗣苦心矢節四十八年如一日鄉里重之

王氏新福社初妻也年二十三夫病卒孤苦自守不移所天矢志四十餘年儒學聞而旌之劉氏辛郭生員劉元亨女白塔陳啟慧妻也十七歲適啟慧二十歲慧病故氏止守一女或勸

以改適氏正色曰從一而終定理也未亡人惡聞汝言迺過繼夫兄之子苦節自誓謹事公姑撫孤成立卒年七十九歲邑令王翼旌其閭曰節孝雙全

姜氏于莊社王約妻也年二十夫歿志在從一孤苦不渝矢節四十餘年克完厥操

馬氏于莊社于培妻也培卒馬年十九有遺腹子珩撫之以守四十餘年間無忝所志

姜氏新邵社蘇海龍長孫承先妻也年二十二

昌邑縣志

卷之六

列女 貞節

哭

承先病卒姜苦志自守上無公姑事祖公姑以孝聞繼子蘭撫同己出海龍以年九十三膺八品恩賜未幾卒姜舉喪盡禮終始四十年間貞孝顯著云

劉氏門入社史際泰妻也際泰家貧早世有父母及二歲孤劉年甫十九苦節自守子尋夭劉慟不欲生以翁姑單窶無依奉養惟謹及公姑歿強梁者將盜嫁之劉覺鳴之官羣醜弭迹以鍼纊營葬事既竣呼天而慟曰吾乃今可無忝

矣或窺其有死志力勸繼從姪務元生一孫務元又卒劉曰命薄者予也何誤人子女爲婦感而不嫁誓同姑志劉時年六十餘矣

王 氏訾停社王本女十七歲適禮義社范必鳳越二年生一子必鳳卽于是年卒氏堅貞自守事公姑盡孝撫幼子有方清操苦節里人稱之

王 氏王臻之女適辛郭社庠生劉倬倬亡氏年十九上事孀姑盡心孝養撫遺腹子劉之旭課以詩書少年入泮貞守四十年如一日焉

昌邑縣志

卷之六

列女 貞節

三

朱 氏平度朱大臣女十七歲適古城社張同瑗早夭氏方二十三歲孤子世棟甫二歲氏誓以死殉水漿不入口者五日人勸以姑老子幼徒死無益氏乃悟遂不死奉事孀姑未嘗少懈教孤兒苦讀勤耕子入庠序家道漸豐姑歿居喪營葬咸盡禮焉

陳 氏李伍社陳快女也十六歲適訾停社王樂未有出樂卒家無次丁氏年方二十三歲翁姑憐其少欲令改適氏泣曰兩大人老矣吾去誰

奉養者家甚貧掇野菜奉舅姑舅七十餘病臥床褥氏親捧溺器穢臭不避如是者三年舅感其誠跽謂氏曰吾不忍見汝勤勞死何以報氏慰之曰吾夫死以二親爲託吾身卽夫身也少盡孝養庶安吾夫地下耳何言報後舅歿姑雙目俱瞽氏拮据供菽水不少懈姑旣歿氏孀居四十餘載艱苦備嘗聞者莫不墜淚

宮 氏宮正之女陶埠社孫同妻也年十六歲于歸十八歲同歿生子承光氏撫育幼子謹事舅

昌邑縣志

卷之六

列女 貞節

三

姑年逾六旬閨範益嚴人咸欽其節孝並著云

范 氏北馬芝社史滾妻范文彩之女也年十七歲歸滾滾歿范年十八時孀姑劉氏年三十二歲痛滾之亡欲與范同就死范曰吾孕數月倘得男天不絕史姓矣何死爲生女死未晚也劉然之未幾果生男范遂堅貞自矢撫幼子事孀姑曲盡孝道壽八十七歲卒

李 氏李養秀之女也年十八歲適辛阡社苑振生子玉璋甫歲餘夫故氏年二十歲矢志守貞

事翁姑撫弱子備極艱辛年七十七歲瞽不能行家誠甚嚴子孫濟濟焉

徐氏徐萬吉之女辛阡社苑領妻也十九歲于歸二十五歲夫歿止有遺腹子一人翁姑慟領之死涕泣不止氏抱幼子勸曰死者不可復生有茲藐孤撫育之可依終身願勿過慟翁姑輟淚曰賢婦也氏甘心貧苦守節四十餘年子成立有二孫氏與苑振妻李氏爲堂妯娌人稱爲苑門雙節

昌邑縣志

卷之六

列女 貞節

五

魏氏禮義社傅學有妻太甯社魏學儒之女也年十七歲于歸十九歲生子治經甫八日學有赴關東死氏知之恐傷翁姑心不以告後翁姑訪知泣謂氏曰吾家貧甚汝年少撫此孤弱兒成立何時願從汝之所欲氏脫簪刺左耳血出跪天自誓事公姑愈謹公姑卒門無期功親氏率治經竭力具棺衾扶柩送葬哀慟路人苦守逾四十年家道漸昌有三孫人以為節孝之報徐氏青阜社庠生孫在獻妻門入社徐象麟女

也十八歲于歸二十四歲生一子甫二歲在獻
病故氏敬事公姑送終盡禮撫養幼子教以義
方現年七十二歲

朱氏監生朱有平女龍灣社儒童陳維新妻也
十六歲于歸善事公姑小心盡禮二十二歲夫
病歿守子席璵席璵至三十三歲復歿媳亦繼
亡遺幼孫二人撫養教誨俱已成立

馬氏馬應士之女古城社徐林妻也年十六歲
適林無所出至二十一歲林亡公姑早歿氏熒

昌邑縣志

卷之六

列女 貞節

三

熒一身上下無依苦志堅守足不出戶外紡績
自給水霜之操歷五十餘年間里欽之

傅氏下灣社李振基妻傅肖占之女也十八歲
適振基二十一歲振基歿氏謹事公姑紡績度
日無子止有一女女于嫁後尋亡氏貧寒孤苦
俯仰無所賴過繼姪男以承夫嗣壽至八十四
歲以完節終

楊氏楊才周之女道昭社孫九章妻也十七歲
于歸夫亡遺一子氏年方二十二矢志堅守依

姑不忍去既而子復亡氏泣曰姑有婦養姑婦無子養婦矣然甯使婦無養不可使姑無養也察母家欲奪其志誓不復歸甯與姑同寢處拮据奉養族人憐之願爲置小童僕氏終不聽姑歿喪葬如禮壽六十二歲終

姚氏忠民社姚文公女太甯社魏學周妻也十六歲適學周越五年夫歿遺一子養格氏堅貞自守訓子有方每春夏間子幼不能執田器氏親往田所教之子亦遵誨鄉里以忠厚稱苦守

昌邑縣志

卷之六

列女 貞節

五

五十餘年至七十二歲卒

韓氏道昭社孫乾亨妻韓長發之女也十八歲歸乾亨生一子一女康熙甲申疫厲大行夫病劇與氏訣曰上有父母下有子女汝必勿死夫卒氏年二十三歲女二歲子在襁褓氏取衣飾焚之曰今後無復用此矣設夫木主於寢室壁龕中每飯必獻每事必告孝養舅姑訓誨子女歷四十年病危家人環泣氏曰舅姑已葬子女成立可對吾夫于泉下吾無遺憾矣尋卒年六

十三歲

王 氏于莊社于國養之妻王嘉祥之女也十八歲適國養越五年夫病故遺子必貢方一歲氏苦節自守敬事舅姑勤課幼子年八十六歲身猶康強人咸稱節壽兩全

朱 氏密城社王士焯妻平度朱千載女也十七歲歸焯生一子未百日焯亡氏年二十歲泣曰吾上無舅姑下無伯叔熒熒無依不如死幸有此幼子可撫之以成夫志及子長爲娶媳歷二

昌邑縣志

卷之六

列女 貞節

五

載生孫氏喜曰有子有孫吾願足矣其後子復亡姑媳孀居紡績度日堅守五十餘年孫已長成家道漸裕焉

王 氏王睠之女也適辛阡社邵國幹二十四歲國幹卒遺有三子氏苦節自守歷四十餘年始終不渝

王 氏于莊社馬璉妻南隅王自新女年十九歸于璉未三載璉卒子女皆無氏杜門不出紡績奉公姑朝夕不懈苦守四十餘年公姑繼亡氏

殮葬如禮壽八旬而卒

張氏張自脩之女也十七歲嬪于南孟社楊佶秉性淑柔有古賢媛風生子中培甫周歲氏年二十一而佶溘逝家貧甚朝夕無所給氏委曲事公姑得其歡心迨公姑相繼歿氏竭力營葬一一如禮中培長成娶李氏生二子中培復天李氏年二十七敬守張訓教子有方堅守苦節一如其姑焉

柳氏卜莊社張泰妻柳國遠之女也壬午之變

昌邑縣志

卷之六

列女 貞節

姜

泰被傷氏年十九生子方十餘日苦志堅守誓不再醮年八十四歲卒雍正三年邑侯劉育杰奉勅建貞壽坊以旌

陳氏白塔社東平訓導陳之楹女也十八歲適東隅貢生史繡楹之子煜柔嘉恭順敬戒無違生子甫一月煜病故氏年二十一苦守貞節事公姑育幼子備歷艱辛閭里共欽其節

姜氏王可社傅夢祥之妻姜在東之女也十六歲歸夢祥越二年夢祥卒氏守遺腹子恪遵閩

範不出戶庭事公姑唯謹堅守歷五十餘年人稱其節孝焉

王 氏道昭社孫文宣妻訾停社王□升女也十七歲適文宣文宣亡氏年二十四歲止有一女苦節自矢事舅姑盡禮舅歿奉姑益謹鄉里無閒言

沈 氏沈中吳之女十八歲適西隅莊新運之子敬逾四載而敬亡遺一子化林甫三歲氏上奉姑舅下撫藐孤未嘗一息懈家素貧艱辛備嘗惟紡績以供親親歿瘁力殮葬子亦成立貞守

昌邑縣志

卷之六

列女 貞節

七

四十餘年至七十歲而終

孫 氏古城社張君佐妻孫九京之女也年十七適君佐越明年君佐死無子女時有欲奪志者氏悲號不從苦節堅守謹事舅姑勤緝績以給朝夕四十餘年不懈鄉里推重之

劉 氏立本社姜法妻辛郭社劉怵之女也十七歲于歸至二十歲法病故雙親在堂遺子方二歲氏苦節自守績紡度日翁姑俱年邁生養死葬靡不盡禮撫幼子迄于成立貞守四十餘年

陸氏陸靠山之女也十七歲適辛阡社苑秉爨恪遵婦道孝事公姑至二十五歲秉爨卒無子止弱女二人家徒壁立堅志苦守公姑相繼歿氏拮据具棺衾年逾六旬閨範益嚴人謂白首完貞

馬氏庠生馬呈瑞之女禮義社郭化大妻也年十八歸化大事孀姑唯謹越五載化大歿時氏二十三歲守二子家貧如洗以女工自給備歷艱困姑歿葬以禮教子成立家道漸裕壽九十歲而終

昌邑縣志

卷之六

列女 貞節

五

劉氏王可社宮瑚妻劉希運女也年十八歸瑚越六載瑚歿生子方周歲堅貞自守紡績事公姑人稱爲節孝兩全

莊氏王可社宮綦妻莊晉臣女也十八歲適綦生一子允成尙在襁褓綦歿時氏方二十一歲念公姑老定省問視無少懈教幼子克盡母心後公姑至八十餘歲終氏殫心喪葬衣衾棺槨無不如禮

劉氏新河社唐增妻殷海社劉富永女也十七歲于歸至二十三歲增故遺孤希舜甫逾六月家貧公姑老氏水霜自矢生養死葬克盡婦道撫幼子希舜教以勤儉貞守幾五十年閨範益厲云

烈節

明

王氏李棟妻也事舅姑以孝聞正德七年值流賊之變攜嬰兒匿窖中爲賊所獲欲污之王不

昌邑縣志

卷之六

列女

烈節

五

從遂逼以刃王罵不絕口賊怒縛樹上支解之孫氏女新伏社民間女也正德七年流賊至女隨母避變至青石山猝與賊遇迫女上馬不從賊挽之女躍而下如是者數四罵賊極目遂被支解

徐氏民間女也歸于王姓萬厯丙辰春大饑人相食婦女南販徐當王之饑甚而瀕於死也掇草根木葉旣盡則鬻所鞠子女啖之又盡徐度不免佯謂王曰盍賣我以活若王不從徐歸告

其父曰王饑甚速賣我父未及決徐遂自鬻於
販兒矣時王之子母兄弟僵於室徐得銀買粟
并餘銀付王曰此汝命也好藏之王賴以活販
兒促徐行臨發北望而泣曰我爲王氏至矣夕
過太史埠夜曠黑徐遂逸於林中縊死邑人史
載勲爲立傳見藝文

杜氏王東友妻也年十七歸于王值歲大饑翁
姑欲嫁杜爲餬口計杜不從有富少年將娶之
翁姑令其見杜杜以頭撞地曰死卽死耳奈何
令人覲吾面乎潛投井死尸出面如生 舊志
缺從郡志增入

田氏女民間女也流賊寇境聞女美徑入其家欲
污之不從欲攜之去又不從將刃之不忍守之
三日女罵不絕口賊怒腰斬之 舊志缺從郡
志增入

劉氏女陰陽生劉山女也縣遣吏呼山山他適惟
女在室吏拉女手云汝父不在汝往應之女泣
罵曰汝何敢拉吾手耶因自經死死時去于歸

之期才三日鄉人重其貞烈

岳 氏東隅民邢時選妻也時選病卒無子岳痛哭不食至三日自經於柩前縣尹馮朝用親弔祭焉

莊 氏莊懋官女生員于嗣盛妻也嗣盛卒莊年二十二時方未殮莊哭叫曰開眼俟吾同去夫果開目比夜投繯死柩前署尹周啟孫詳請旌之

葛 氏少司馬縉之後温成修妻也成修病卒氏七日不食死事在萬曆四十二年

昌邑縣志

卷之六

列女 烈節

空

宋 氏典吏王允明妻也允明卒宋絕食飲者三日期必死家人日夜防之宋給之曰吾已熟思不肯死矣索食且飽解衣就枕家人圍之而寢及醒縊於梁氣已絕面無慘容腰經服飾備具不知其辦在何時也時天啟元年縣尹李鳳申請建坊旌之

王二姐道昭社王大朝女也幼許字劉天增長而多慧常從伯母誦經知字義有論前輩賢孝者

至列女傳女歎曰古人之行如此耶未幾天增
病卒父母往哭之旣還悲未已女問之曰汝壻
亡矣女垂泣欲往弔且曰聞姑孀居爲之養老
可乎父母難之女大慟絕粒父曰兒可食定與
汝覓一好壻女曰切清風作餅無底鐺煮茶吾
食矣是夜縊桑樹下縣尹卜有徵聞於上奉旨
表其門

孫 氏謝文瑾妻也文瑾病卒氏絕食三日縊死
柩前

昌邑縣志

卷之六

列女 烈節

奎

溫 氏文瑾之弟文珍妻也壬午之變兵殺文珍
溫怒罵且曰夫死留我何爲兵援之上馬溫自
墜於地遂被殺

劉 氏北隅儒童郝玠妻也明末兵至邑隨夫逃
難遇騎卒殺其夫迫劉上馬劉不從卒攜上劉
力挽而下復攜之又然卒曰不上則死劉大罵
不已卒怒殺之碎其尸

史氏四烈五姐盈姐生員史褒明女也大兵圍城
同匿地窖中城破兵入掘窖將開恐及辱乃自

放火塞穴口同縊死 鳳姐常姐代州知州史
欽明女也城陷被擄鳳姐不從以頭觸地兵怒
腰斬之常姐大罵而死鳳姐孫永思妻也子士
懋

于氏女孟任社于日久女也年十九許字山陰溫
氏未嫁值壬午隨母王氏避難猝遇兵騎卒挽
之上馬女大罵力投而下卒曰不從膏我劍復
挽之上女復投下如是者三日甯殺我斷不隨
汝去罵不絕口卒怒斷其首

昌邑縣志

卷之六

列女 烈節

三

姜四姐生員姜騰蛟女也年十六未字壬午兵變
逼近其村舉家惶怖謀避之獨爲女慮女以列
女傳之大義質於父講畢含笑而退及家人將
行入室喚女已縊死屋梁矣

大清

夏 氏夏璜女生員王懋妻也懋病卒夏號慟欲
以身殉姑與家人謹防之志不得遂數月後乘
隙縊死柩前府道聞而旌之

邵 氏邵嵩女陳光顯妻也光顯病卒邵慟哭不

食數日於柩前自經死府道累旌其門

馮 氏生員馮璣女孟任社儒童子珩妻也善事舅與繼姑會珩病革禱神祈代曰天甯吾亡無亡若若亡吾亦亡矣未幾珩歿馮號慟幾絕欲自縊不得曰卽不聽吾縊能強吾口而飲食之哉不食五日而斃時年二十二縣尹沈一龍爲之立石銘以褒之

劉 氏王策妻也適策未一歲夫故自經死

王 氏王瑞安女楊垓妻也適垓歲餘夫病卒王事舅姑五年舅姑歿又五年祖姑亦歿喪葬畢祭夫墓曰完子遺恨吾從子歸矣飲瀕而死時年二十八縣尹孟寅生爲之記而勒石

劉 氏南隅黃明翰妻也明翰歿劉年二十號慟不食至夜縊死柩前

王 氏新邵社馮成祥妻也年二十成祥病革語王曰家貧無子我死汝將何託王泣而誓曰人言守難死易吾甯爲其易者及夫就木遂雉經於夫側

徐氏郡廩生徐經世之妹也年十九適興福社林夢禹夢禹素羸以苦讀嬰疾未幾物故徐引繩自決救而蘇旣除服翁姑憐其少欲令他適徐不勝慟因灑祭夫墓歸甯而返中途仰天呼曰我生不辰命也夫此夜則自經死矣縣尹王翼聞而旌之

魏氏辛置魏巨室女生員李景聖子芳妻也年十七適芳事舅姑及祖公以孝聞未幾夫歿魏號慟期以身殉曰舅姑有依無用寡息爲也將

昌邑縣志

卷之六

列女 烈節

奎

赴井不得吞黑礬待斃又獲救乃散簪珥裳佩給家人曰爲我炊吾將食家人喜防之稍怠遂投繯而死邑人陳之楓爲作碑記見藝文

李氏濱海社李敬修女適陶埠社庠生田中桂之子晟生二子未幾晟病革氏剪髮自誓及晟死氏年二十一養老撫孤殫竭心力後子年稍長翁姑相繼卒終喪氏乃攜二子托於夫之兄嫂曰吾將報成事於夫子矣不食數日而死

齊氏泰安社監生齊太印女辛郭社監生劉汝

懋之子乾淑妻也年十八適淑曉倡隨大義甫
百日歸甯忽報乾淑在西山讀書暴卒氏奔喪
大慟曰君死矣妾何忍獨生當夜自經繩斷復
甦再經繩又斷家人覺而救之氏號泣不已繩
疫成瘡不食者五日勸食少許卽吐尋嘔紫血
而歿邑令劉育杰旌曰不負所天邑丞高嵩暨
邑紳士競爲詩以哀之勒石墓前